

5. *Kiddâruovgâme!*

Tiervuodah tääbbin Urho Kekkosii aalmuglâšmeecist,
tärhibeht ettum Ukselmauáiváá tuoddârist!



Návt ko keesi aldan, te lodeh puátih čuuvtij mielân.
Tâi pyerebeht lodeh puátih peljjid!
Tälvi lii joskis äigi.
Tälviv tuše Riijtá-riävská skiäikká,
cissááh visârdeh já kuávská njávgu.
Mutâ...
ko kesilodeh puátih,
te larmâudâgááh livkkáástâleh muu peljjid jyehi kuávlust.

Huápumus larmâudâgâšäigi lii vyesi-kesimáánu jorgáldâh.
Talle puoh kesilodeh-uv láá maccâm pessimhomáidis.

Tave luudijn enâmus uási láá kesilodeh.
Stuárráamus uási luudijn kirdá tälviv lieggâsub enâmáid.
Iä piergii puolâšist já muottust!
Ige tälviv lah purrâmuškin tivreporreid.
Mutâ keessiv tääbbin lii purrâmuš valjeest!
Miljovneh já biljovneh juávhuh luudij purrâmuš šurijdeh ááimust.
Čuoškah láá tárbuliih já tiervâpuáttim.
Návt luudij ustevin mun penttâ tuáivum, ete toh liččii valjeest.
Talle loddeusteveh finnejeh tuárvi purrâmuš.

Purrâmuš tarbâšuvvoo ennuv,
vâi vaja rähtid piervâl,
vaja monnid já läällid,
vaja piemmäđ udâgáid,
máttááttid udâgáid kirdeđ
já vaja oppeet čohčuv varriiškyettid toho kuusnii kuhás.

Piervâlrähtimääigi luudijn lii ain hirmâđ huáppu.
Kolgáččij finnid jotelávt piervâl valmâšin já peessâđ monnid.
Tunhân tiäđáh, ete Laapi keesi lii uánihis já tondiet lii huššâ.
Mun laaviim išedid pessee luudijd.
Mun nuurâm piervâltarbâšijd luudij išseen.
Ohtii mij karttijm tuodâi toimâđ, ko mottoom kiirjâgloddááš ij lamas kavnâm hiäivulii saje.
Kiirjâgloddááh rähtih piervâlis muorâi vuovdáid.
Taat kiirjâgloddáášustev,
Kati-nommâsâš,
ij lamas kavnâm hiäivulii vuovdâ.



Ko vuovdâmuorâ ij kavnum, te mun valdim ohtâvuodâ Kyesti-kirjeteddei.
Tuubdah-uv tun Kyesti-kirjeteddee?

Kyesti-kirjeteddee lii taggaar uccâ tevkisšiälgoo koppâkuorijâš.

Kyesti-kirjeteddee pargon lii taan luându pirrâjotemist kaverdiđ já poorád puáris muorâid. Kuu-
loold puáris, pokkom muorah muttojeh oppeet enâmin.

Talle toho puáhtá koččâđ muorâ siemân já siemânist šadda uđđâ muorâ.

Muorâi kaverdem já pokkom pištá tuodâi kuhháa.

Pokkoo muorâst kiergân mangâ lodde pessid.

Kyesti-kirjeteddee muštâl oovtâ syeligâs saje,

kost lâi čašnijn já kierâččâin oovtâstpargoost rahtum hiäivulâš vuovdâ visten.

Kyesti muštâlij, ete lii ráhtám toos mučis hervâskuázurdâs.

Puoh iä kal lijkkoo Kyesti-kirjeteddei.

Talle, ko haalijd šoddâdiđ muorâid styesin já nanosin,

ko haalijd sáhhâđ taid já ráhtiđ tain veikkâba tááluid,

Kyesti-kirjeteddee kaverdem muorah iä lah tohâliih.

Mutâ kalgahân Kyesti-kirjeteddee-uv puurrâđ!

Na nuuvt, mun tolvum Kati-kiirjâgloddáa piervâlvuovdân,
kost kirjeteddee tyeji oinui pyereest.

Kyesti-kirjeteddee lâi ráhtám hirmâđ jo šiev taaidâtuojijd seinijd.

Kati lâi tuodâi tuđavâš piervâlsis.

Forgâ Kati-kiirjâgloddáa lávlumnuottâ aalgij leđe ilosmum.

Muáddi peeivi keččin mun ervidim, ete uđâgâáh láá čolgâm.

Vazâččim vistig piervâl kulij,

mutâ talle mun kivkked pisânim.

Tunhân tiäđáh, ete pessee luudijd já elleid ij uážu hettid!

Mun kuodâttim muu luhotuáivuttâsskeenjá,

muáddilov čuoškâđ čuoldâ oolâ vâi Kati-kiirjâgloddáa puáhtá viežžâđ.

Kati-kiirjâgloddáaš visârdij tuđavâžžân,

ete tast ličij purrâmuš sijjân oles piäiván.

Návt muu algâkeesi lii moonnâm.

Maid luudijd tun lah uáinám taan ääigi?

Lah-uv uáinám kiirjâgloddáa?

Lah-uv uáinám pešnirihháa?

Talle, ko pešnirihháaš puátá, te keesi lii jo aabâs alda.


Pešnirihháaš-uv porá čuoškâid já eres tiivrijd.

Pessimáid!

Tuáivut

Ukselmanáivráa Elska


Urho Kekkosii aalmuglâšmeeci jieijâs uccâ kufittâr



Kufittâr kesiruovgámijd kaverdij pápárân Kristiina Aikio. Jurgálus Tanja Kyrö.


Monnjâsaavah:

1. Ivnii kiirjâgloddáá, sáárgu toos juolgijđ já uávsi, mon alne tot čokkáá.
2. Sáárgu meid purrâmuš njáálmán.
3. Sáárgu kove Kyesi-kirjeteddest, mii lii tevkis koppakuorijâš. Ton roppâ lii kyevtuáság tâi jiešalnees tast lii uáivi já roppâ. Tast láá kuttâ jyelgi, kulmâ jyelgi kuhtui peln sehe uáivist kyehti tobdočuárvi.



Nommâ:

Nommâ:



Nommâ:

